


Speaker's notes by Her Worship Mayor of Musina, Cllr. Mihloti Ramoyada during the Mayoral visit to Chief Avhatendi Rambuda at Dzimauli-Harambuda on Thursday 01 September 2015.

Maambiwa nga Tshimebi tsha Khoro ya Masipala wa Musina Muhulisei Vho-Fistos Mafela kha mushumo wa u vhea vhohosi ha Lutshindwi nga Mugivhela wa la 26 Lara 2016.



Mutshimbidza-mushumo

Vhothovhele vhothe vha re fano vho rangwa nga Vho-Ratshibvumo Vha vhuvhili

Misanda yashu

Vha muta wa Lutshindwi

Vha muhasho u no shumana na zwa vuhosi muvhusoni

Vhaeni vhothe vha bvaho kule na tsini

Ndi a vha resha.

Ndo livhuwa u newa tshifhinga hetshi tsha u diwana ndo ima hafha phanda ha ndau na zwidahwana.

Saizwi Tshivenda tshi tshi ri u luvha a hu na mapone, na nne kha ndi thusiwe-vho ndi luvhe.

Rine sa Maspala wa Musina ro swika nga tshavhukoma u sumbedza thikedzo yashu kha mativha ane a khou dadziwa namusi.

Rine ri tou vha vho rapolotiki vho dzhenaho nga dzi vouthu vhane vha nga bva zwiduloni tshifhinga tshinwe na tshinwe. Hone-ha ri vhona zwi zwa ndeme vhukuma u thonifha vhuimo vhune mahosi vha vha khaho ngauri vuhosi vhu tou bebelwa.

Zwi tou vha khagala uri Mudzimu na vhadzimu, na zwifhatuwo zwa vho rangaho phanda henengei matongoni vha fanaho na Vho-Muvhango Alpheus Thifhulufhelwi Nlutshindwi, Vho-Tshiavhavha Jim Nlutshindwi, Vho-Nemudzivhadi Sibidiela na Vho-Nyadzani Luvhavha Nlutshindwi vha vha khou sedza musanda washu muswa na zwifhatuwo zwavho zwo tsha. Azwi vhudzisiwi uri havha musanda washu muswa vha do kanda henefhala saizwi Vhatwanamba vha Lutshindwi vha tshi divhelwa mafunda, lufuno na u fuwa vhatu.

Rine sa vhatu vhane ra divha Mudzimu, ri tenda uri vuhosi vhu bva kha Ene Goko Musikavhathu. Na Bivhili i ya zwi khwathisedza hezwo. Samuele ya u ranga, ndima ya 12, ndimana thukhu ya u thoma na ya vhuvhili i vhalea ngaurali: ***“Samuele a mbo amba na Vhaisiralele vhothe ari: Ni khou zwi vhona, ndo pfa zwe na amba zwothe misi ni tshi nkumbela na ri: Ri vhumbele khosi. Zwino khosi yanu ngeyi-ha, ine ya ni ranga phanda.”***

Ndi ngazwo ro vhona zwi zwa ndeme uri rine sa vhadinda vha Mudzimu, ri swike fano namusi u luvha hoyu murangaphanda washu wa sialala ane ra mu funesa.

Ri kho toda u khwathisedza phanda ha gogo heli uri ri na tshumisano ya vhudisa na Khoro ya Vhuhosi ya ha Rambuda. Ndi nga zwo vha tshi vhona kha mishumo yothe ya maspala ri tshi vha ri na Vho-Thovhele kana misanda ya Ha-Rambuda. Ri khou lingedza nga ndila dzothe uri kha mivhundu ya Ha-Rambuda ine ya wela Musina, ri ise tshumelo hu si na thidza. Ri khou lavhelela uri na musanda washu havha vho vhewaho namusi, ri do shumisana navho zwavhudi.

Kha ri tendelane uri namusi a si duvha lashu la u amba. Rine ro tou da u luvha na u tamela mashudu musanda washu muswa a thonifheaho. Thovhele nga a lalame.

Kha vha ntendele ndi gume henefha ndi tshi khou luvha!

Mboloma!